

Morning Dogri (NSD) National News Bulletin 09-02-2025

आकाशवाणी

- दिल्ली विधानसभा चुनाव च बीजेपी दी शानदार जित्त, सरकार बनाने दी तैआरी।
- प्रधानमंत्री नरेन्द्र मोदी होरें आखेआ ऐ जे दिल्ली च बीजेपी दी जित्त इस गल्ले दा सबूत ऐ जे लोक मुख्य च डबल इंज नदी सरकार पर गै भरोसा करदे न। उनें गलाया जे हुन दिल्ली च विश्व स्तरै दियां ढांचागत सुविधा ते सेवा उपलब्ध होग।
- रक्षा मंत्रालय नै नौसेना लेई 11 खोजी जहाज ते 3 सिखलाई पोत उपलब्ध कराने लेई “भारत इलेक्ट्रॉनिक्स” कन्नै इक समझौते पर दस्तखत कीते न।
- लेबनान च प्रधानमंत्री नवाफ सलाम हुंदी अगुवाई च नमीं सरकार दा गठन, 2022 थमां जारी गतिरोध खत्म।
- भारत ते इंग्लैंड बश्कार त्रै मैचें दी श्रृंखला दा दूआ इक रोजा अंतर्राष्ट्रीय मैच अज्ज कटक च खेड़डेआ जाग।

<><><><><><>

BJP Win

दिल्ली विधानसभा चुनाव च बीजेपी नै शानदार जित्त हासल कीती ऐ ते सत्ताधारी आम आदमी पार्टी गी हराइयै 27 बरें दे परेंत सत्ता च आई ऐ। 70 मिनबरी विधानसभा च बीजेपी नै 48 सीटां जित्तियां न जिसलै जे आम आदमी पार्टी छड़ियां 22 सीटां गै हासल करी सकी ऐ। कांग्रेस पार्टी एकती बी अपना खाता नेई खोली सकी। इस जित्त दे बाद बीजेपी दे होंसले बुलंद न ते सरकार बनाने दी तैआरी ऐ। बीजेपी दे जेहड़े नेता चुनाव जित्ते न उंदे च प्रमुख न, प्रवेश साहेब सिंह, विजेन्द्र गुप्ता, कपिल मिश्रा, तरविंदर सिंह मरवाह ते अरविंदर सिंह लवली जिसलै जे आम आदमी पार्टी दे प्रमुख जेतुएं च आतिशी, गोपाल राय, जरनैल सिंह ते इमरान हुसैन शामिल न। आम आदमी दे केई बड़डे चेहरे जिंदे च साबका मुखमंत्री अरविंद केजरीवाल, मनीष सिसोदिया, सौरभ भारद्वाज, दुर्गेश पाठक ते अवध ओझा शामिल न, चुनाव हारी गे न।

<><><><><><>

PM-Delhi

प्रधानमंत्री नरेन्द्र मोदी होरें आखेआ ऐ जे दिल्ली गी हून अंतर्राष्ट्रीय स्तरै दियां ढांचागत सुविधा ते बेह्तरीन सेवा उपलब्ध होंगन। कल रातीं नमीं दिल्ली च बीजेपी मुख्यालय च पार्टी कार्जकर्ताएं गी संबोधत करदे होई आखेआ जे एनडीए दा मतलबक गै सुशासन ते विकास ऐ। उनें आखेआ जे 21मीं सदी च पैदा होए दे नोजवान हुन पैहली बारी दिल्ली च बीजेपी दा शासन ते कम्म करने दी बेह्तरीन अंदाज दिक्खी सकगंन। उनें आखेआ जे दिल्ली विधानसभा चुनाएं च बीजेपी दी शानदार जित्त इस गल्लै दा सबूत ऐ जे लोक समूलचे मुल्खै च डबल इंज नदी सरकार चांहदे न ते एह्दे च उंदा पूरा भरोसा ऐ।

<><><><><><>

PM-Ajay

केन्द्री सामाजिक न्याह ते आधिकारिता मंत्री डॉ. विरेन्द्र कुमार होरें प्रधानमंत्री अनुसूचित जाति अभ्युदय योजना दे आस्तै कल नमीं दिल्ली च केन्द्री सलाहकार समिति दी बैठक दी अध्यक्षता कीती। बैठक च योजना दी प्रगति दी समीक्षा कीती गेई ते अनुसूचित जाति दे आर्थिक सामाजिक उत्थान आस्तै कार्यनीतिएं पर ध्यान केन्द्रित कीता गेआ। विरेन्द्र कुमार होरें योजना गी लागू करने बारे विस्तार च चर्चा कीती ते एह्दे व्यापक उद्देश्यें बारे जोर दित्ता। इस बैठक च राज्य दे मंत्री, राश्ट्री अनुसूचित जाति आयोग दे अध्यक्ष, केन्द्र खजाना, राई-बाई ते करसान कल्याण, ग्रामीण विकास, महिला ते बाल विकास मैह्कमे ते नीति आयोग दे नुमायंदे बी मजूद हे।

<><><><><><>

Defence Contract

रक्षा मंत्रालय नै नौसेना लेई 11 गश्ती जहाज ते 3 सिखलाई पोत उपलब्ध कराने लेई भारत इलैक्ट्रानिक्स कन्नै इक समझौते पर दस्तखत कीते न। समझौते तैहत ईओएन-51 नां दी आप्टिकल फाइबर नियंत्रण प्रणाली दी खरीद कीती जाग जेह्दे नै लक्ष्येंद ी खोज च मदद थ्होग। इस समझौते कन्नै त्रै बरें लेई रोजगार दे मौके पैदा होंगन। एह्दे नै रक्षा दे क्षेत्र च आत्मनिर्भरता हासल करने दे सरकार दे जतनें गी बी ताकत थ्होग। एह् खरीद 642 करोड़ रुपे कोला मती दी होग।

<><><><><><>

Lebnon Govt

लेबनान च प्रधानमंत्री नवाफ सलाम हुंदी अगुवाई च नमीं सरकार दा गठन होई गेआ ऐ जेह्दे कन्नै गै 2022 ब'रे थमां जारी गतिरोध बी खत्म होई गेआ ऐ। राष्ट्रपति जोसेफ जौन होरें पिछली कम्म चलाऊ सरकार दा स्तीफा मंजूर करी लैता ऐ ते प्रधानमंत्रह सलाम हुंदी अगुवाई च नमीं सरकार दे गठन दे लुकमै पर दस्तखत कीते। नवाफ सलाम इक तर्जुबेकार सियासतदान न ते अंतर्राष्ट्रीय अदालत दे अध्यक्ष रेही चुके दे न। उनें इजराइल ते हिजबुल्ला बश्कार होए दे संघर्ष विराम समझोते गी लागू करने दा वायदा कीता ऐ। उनें मं'मंडल च अद्दे मंत्री मुसलमान ते अद्दे मंत्री इसाई न।

<><><><><><>

Piyush Goyal

केन्द्री वाणिज्य ते उद्योग मंत्री पीयूष गोयल होरें दुआई उद्योग गी आखेआ ऐ जे ओह गुणवत्ता ते नवाचार गी प्राथमिकता दिंदे होई भारत दी चिकित्सा तरक्की दे पिछे प्रेरक शक्ति दे रूपै च अपने आप गी स्थापत करन। इंडियन ड्रग मनुफैक्चर एसोसिएशन दे 63में स्थापना दिवस दे मुंबई च आयोजित कार्यक्रम गी संबोधत करदे होई पीयूष गोयल होरें आखेआ जे भारतीय दुआई उद्योग नै भाएं खरी मती तरक्की कीती ऐ पर फही बी अजें इक लम्मा सफर तैह् करना लोड़चदा ऐ। गोयल होरें जोर दिंदे होई आखेआ जे दुआई खेत्तर कन्नै जुड़ी दिएं लौहकी ते बड्डी कंपनिएं गी सामजंस्यपूर्ण इकाई दे रूपै च किट्ठे कम्म करियै देशे दा मान बधाना चाहिदा।

<><><><><><>

Waves Summit

सूचना ते प्रसारण मंत्री अश्विनी वैष्णव होरें आखेआ ऐ जे दुनिया दा पैहले आडियो विजुअल मनोरंजन सम्मेलन वेव्ज राएं भारत गी सामग्री तैआर करने दा इक कुलसंसारी सतह दा केन्द्र बनने च मदद थहोग। कल इक सोशल मीडिया पोस्ट च उनें आखेआ जे भारत सृजनात्मकता यानि क्रिएटिविटी दे लिहाज कन्नै दुनिया दा पावर हाउस बनने दी तैआरी च ऐ। मंत्री होरें इब्बी दस्सेआ जे इस सम्मेलन च दुनिया दे मन्ने परमन्ने दे मीडिया संगठनें दे मुख् कार्जकारी अफसर ते होर केई नाम चीन हस्तियां बी शामिल होंगन। पैहला वेव्ज सम्मेलन इस

बारे पैहली मई थमां 4 मई तोड़ी मुंबई च आयोजित कीता जाग। प्रधानमंत्री नरेन्द्र मोदी होर बी दऊं रोल पैहले वेज दे सलाहकार गोर्ड दी बैठक लाइयै इस बारे सलाह सूत्र कीता हा।

<><><><><><>

World Book Fair

नमीं दिल्ली दे भारत मंडपम च आयोजित 52मीं विश्व किताब मेला अज्ज संपन्न होआ करदा ऐ। राष्ट्रपति द्रौपदी मुर्मू हुंदे आस्सेआ उद्घाटन कीते गेदे इस मेले च भारत दे इलावा 50 कोला मते मुल्खें हिस्सा लैता। इंदे कन्नो कन्नी 2 जहार प्रकाशक ते 1 जहार दे कोलकाल वक्ताएं बी इस मेले च शिरकत कीती, राष्ट्रीय बुक ट्रस्ट ते इंडिया ट्रेड प्रमोशन आरगेनाइजेशन आस्सेआआयोजित इस मेले च हर किस्मै दी किताबें दा भंडार दिक्खने गी लब्भा, जिंदे च कला, साहित्य, संस्कृति, शिक्षा, ज्ञान विज्ञान, जीपनिया, आत्मकगी ते होर केई किस्मा दियां कताबा उपलब्ध हियां। इस दरान लखारिएं, प्रकाशकें, कविएं ते समाज दे बक्ख-बक्ख वर्गे कन्नै ताल्लुक रखने आले किट्ठे बौहने, इक दुए कन्नै बचार बंटादरा करने दा बी मौका थोआ।

<><><><><><>

Cricket

भारत ते इंग्लैंड बश्कार खेड्डी जा'रदी त्रै मैचें आली इक रोजा अंतर्राष्ट्रिय क्रिकेट श्रृंखला दा दूआ मैच अज्ज दपैहरी कटक दे बारामती स्टेडियम च खेड्डेआ जाग। भारत नै श्रृंखला दे पैहले इक रोजा अंतर्राष्ट्रीय क्रिकेट मैच च इंग्लैंड गी 4 विकटें कन्नै हराई दित्ता हा ते अज्जै आले मैच च फही जित्त हासल करने दी कोशश करियै श्रृंखला च अजय बढ़त बनाने दा जतन करोग।

<><><><><><>